



## Universitätsbibliothek Paderborn

**Commentaria Vetustissima & profundissima Super  
Canticvm Canticorvm Salomonis Qvod Hebraice Dicitvr  
Sirhasirim**

**Wolbero <de Sancto Pantaleone>**

**Coloniae Agrippinae, 1630**

Versvs IV. Dilectus meus misit manum suam per foramen, & venter meus  
intremuit ad tactum eius.

**urn:nbn:de:hbz:466:1-10027**

Benè ergo Sponsus Sponsam,  
quam ad officium prædicationis  
fuscat, *sororem, amicam, columbam,*  
*& immaculatam* vocat, vt ei insinuet  
in omnibus suis officijs & actibus  
quām quadrata mente consistere  
debeat. Sed illa pulsanti respon-  
det, & ab illo deliberato intimæ  
quietis otio surgere detrectat, di-  
cens, *expoliaui me tunica mea &c.*

## VERSUS III.

*Expoliaui me tunica mea, quomo-  
do induar illas? laui pedes meos, quomodo  
inquinabo illos.*

**I**Mpedimenta inquit sæculi, &  
curas actualis vitæ, quibus hacte-  
nus implicita eram, ab animo meo  
reieci, vt in diuinâ contemplatione  
liberius vacare possim, quomodo  
nunc iterum per officium prædica-  
tionis à quiete ista me surgere, &  
actualis vitæ studijs deseruire hor-  
taris? *Laui pedes meos*, hoc est negli-  
gentias operum meorum, quas ex  
cogitationum & rerum mundana-  
rum puluere contraxi, aqua com-  
punctionis ex diuina charitate sur-  
gentis perlui, quomodo iterum eas  
contraham ex illuione strepitus  
terreni? Nam valde est difficile in-  
ter sæculi huius homines conuersari,  
& nulla humanæ fragilitatis con-  
tagione maculari. Facile quippe  
materia exterius corporeis sensibus  
adhibita, interius animæ pulchritu-  
dinem inficit.

*Lotio pedū  
Sponsæ quid  
figuret.*

Sed dum ista mecum reuelue-  
rem, & à proposito meo decedere  
non tutum arbitrarer, dicam ô fi-  
liæ Ierusalem, quid dilectus meus  
fecerit.

## VERSUS IV.

*Dilectus meus misit manum suam  
per foramen, & venter meus intremuit  
ad tactum eius.*

**Q**uid enim est manus eius, quid fo-  
ramen, quid venter eius? Profe-  
Per manum  
dilecti in-  
cto manum dilecti debetis intellige-  
re virtutem omnipotentiae & occul-  
tæ inspirationis illius. Cum verò  
mens hominis curis & voluptati-  
bus sæculi dedita, nihil de Deo, nihil  
de salute animæ cogitat, quasi mu-  
ro quodam & maceriat peruersitatis  
circumclusa & obsita, nullum iam  
habet aditum vel foramen, per quod  
diuinæ gratiæ lumen dignetur in-  
trare.

Sed quia nonnunquam tales di-  
uina virtus aspirando præuenit, vt  
de peccatis suis compugantur, qua-  
si rupta prædamnata mentis mace-  
ria, foramen & quædam scissura  
aperitur, vnde effluant compun-  
ctionis lachrymæ, ex pœnitentis &  
quasi scissi cordis dolore excitatae.  
De quali scissura monet Propheta,  
scindite, inquit, *corda vestra;* & non ve-  
stimenta vestra.

Cūq; duo sint genera compunctionis, Compun-  
Aa 2 tioniis duo  
sunt genera.

nis, quia mens ad Deum conuerfa prius timore, post amore compungitur, quando aliquis pertimescens gehennæ supplicia, abdicatis mundi desiderijs, peccata quæ fecerat plangit quasi foramen & scissuram in corde eius diuina gratia fecit. Procesu vero bonæ conuersationis, postquam securitatem aliquam ex diuinâ misericordia conceperit, tanto in Deum amore ardescit, ut qui prius flebat ne duceretur ad supplicium, postmodum amarissime flere incipiat, quia differtur à regno.

Tunc ergo per foramen, quod dolor fecit cordis pœnitentis, piissimus Dominus mittit manum gratiæ & misericordiæ lenientis, tamque suauissimo tactu mentem reficit, ut tota in Dei amore succensa nihil terrenum quærat & concupiscat, ipsa etiam visibilia omnia parui pendat, solaq; cœlestia & æterna roto animo adipisci contendat.

*Ad cuius tactus suavitatem venter contremiscit*, quia mens contemplatiæ vitæ dulcedinem hauriens, virtute aspirantis gratiæ commouetur, vt intelligat dilectionem Dei sine dilectione proximi esse nō posse, sed hanc esse plenitudinem perfectæ dilectionis vt qui diligit Deum propter se, proximum quoque diligat propter Deum. Hoc ergo modo ô filiæ Ierusalem, dilectus meus misit manum, hoc est auxilium virtutis & gratiæ suæ per foramen.

Quid per ventrem intelligatur, qui dicitur intremuisse ad tactum sponsi, poterat manu sine fo-  
ramen. Etiamque manu per fo-  
ramen.

compuncti mei cordis insinuans & admonens, ut quia ego ei in corde meo amori eius inhaerendo aditum fecerim, non dubitem etiam in proximorum cordibus ei per prædicationis officium ingressum parare, quandoquidem ipse semper præsto sit per auxiliatricem, gratiam, & mihi quid, vel qualiter docet prærogare, & audientibus mentium aures aperire soleat.

Vnde & hanc eandem sententię *Alia expositiō missio-* quam ad memetipsum retuli, non *nis manus* absurdè ad auditores quoq; meos *dilecti per* referre possum, ut dicatur *dilectus manum suam per formam mittere*, *venter in-* quoties ad aures Auditorum exte- *huius tactū* riores per vocem prædicationis so- *tremiscit*. *nando ad aures interiores manum auxiliatricis gratiæ immittendo in-* greditur. *Ad eius tactum venter meus intremiscebit*, quia infirmiores quiq; mei, quæ prius præ imbecillitate ingenij non intelligebant, intelligunt, & cum diuini iudicij terrorem audientes contremiscunt, ad boni quoq; operis fructum morieri discunt.

## VERSUS V.

*Surrexi igitur ut aperirem dilectio-*  
*meo: Manus meæ stillauerunt myrram,*  
*& digitæ mei pleni myrra probatis-*  
*sima.*

**Q**via enim suum mihi promisit  
auxiliū, quo laboris mei cōse-  
que-